



Broj : 04/1- 24-sl./15
Ilijaš, 21.12.2015. godine

STRUČNA SLUŽBA OPĆINSKOG VIJEĆA

PREDMET : Dostava odgovora na vijećnička pitanja i inicijative

Na 35. sjednici OV Ilijaš održanoj dana 24.11.2015.godine, postavljena u slijedeća vijećnička pitanja i inicijative :

BESIM GLJIVA – vijećnik Stranke za Srednje

Pitanje:

Kako da poljoprivredni proizvođači sa područja općine Ilijaš zaštite svoja imanja i usjeve od stoke i divljači, koja često unište veliki dio usjeva i da li postoji bilo kakav pravilnik o načinu držanja stoke.

Odgovor:

Zakonska regulativa koja reguliše navedenu oblast sadržana je u Pravilniku o mjerama u cilju sprečavanja šteta od divljači i na divljači, koje su donesene od strane nadležnog Ministarstva privrede Kantona Sarajevo ("Službene novine Kantona Sarajevo br. 18/07) i Izmenama i dopunama mjera u cilju sprečavanja šteta od divljači i na divljači („Službene novine Kantona Sarajevo br. 20/15) u kojima su propisani uslovi i mjere koje su dužni poduzimati korisnici lovišta, **vlasnici poljoprivrednih kultura** i mjere koje su dužni provoditi vlasnici stoke u cilju sprečavanja šteta, kao i načina za prijavljivanja nastale štete.

U skladu sa navedenim mjerama obaveza vlasnika poljoprivrednih kultura je da redovno kontroliše stanje svoje imovine i u slučaju pojave štete od divljači odmah, a najkasnije u roku od tri dana od dana nastanka štete pismeno obavijesti Ministarstvo privrede Kantona Sarajevo. U odredbama mjera je naglašeno da poljoprivredne kulture moraju biti ograđene ogradom najmanje visine 110 cm. sa pet redova žice međusobnog razmaka od 20 do 25 cm., te da ukoliko parcela nije ograđena na propisan način nema odgovornosti za nastale štete na poljoprivrednim kulturama. U postupku prijavljivanja nastale štete obaveza vlasnika je i da priloži i dokaz o pravu korištenja zemljišta tj. kopiju katastarskog plana i prepis posjedovnog lista.

Kada su u pitanju štete na usjevima, nastale od stoke ista je tretirana u odredbama. Zakona o poljoprivrednom zemljištu (Službene novine Federacije BiH br. 52/09) u stavovima: Korištenje pašnjaka i zabrana nomadske ispaše stoke, kojim su definisani uslovi i načini korištenja poljoprivrednog zemljišta po kulturi pašnjak u privatnom i državnom vlasništvu. Članom 59. pomenutog Zakona pašnjacima u vlasništvu države, a na području Federacije, upravljaju kantoni, a pašnjake u vlasništvu fizičkih lica koriste njihovi vlasnici u skladu sa odredbama Zakona.

Član 67. Zakona o poljoprivrednom zemljištu tretira pitanje zabrane nomadske ispaše stoke:

“ Pod nomadskom ispašom u smislu ovog Zakona, smatra se ispaša stoke gonjenjem preko poljoprivrednog zemljišta, ispaša stoke na poljoprivrednom zemljištu izvan mjesta prebivališta, odnosno sjedišta držaoca stoke, ako ovim Zakonom nije drugačije određeno”.

Zbog zaštite poljoprivrednih kultura i sprečavanja pojave i širenja zaraznih bolesti životinja, te zbog zaštite zdravlja ljudi od zoonoza koje se sa stoke mogu prenijeti na ljude, zabranjuje se nomadska ispaša stoke na poljoprivrednom zemljištu.

Ne smatra se nomadskom ispašom stoke uobičajena ispaša na pašnjacima na zemljištu koje je vlasništvo držaoca stoke ili je zemljište uzeto u zakup, pod uvjetom da je osiguran transport (doprema i otprema) i veterinarsko uvjerenje. Ako je ispaša stoke van mjesta prebivališta, stoka se mora transportovati motornim vozilima.

Članom 68. Zakona o poljoprivrednom zemljištu naglašena je potreba zaključivanja ugovora za korištenje pašnjaka:

" Držalac stoke mora zaključiti ugovor sa zakupodavcem zemljišta za ispašu stoke. Ugovor iz stava 1. ovog člana mora sadržavati podatke o: zemljištu (mjesto, katastarska općina i čestice, površina), zakupodavcu i zakupoprincipu zemljišta, vremenu za koje je ugovorena ispaša, broju grla stoke koja se može napasati, veličini zemljišta i mjestu gdje se to zemljište nalazi. Ugovor iz stava 1. ovog člana registruje se kod općinskog organa u mjestu ispaše stoke". **Nadzor nad sprovođenjem mjera iz pomenutog Zakona o poljoprivrednom zemljištu vrši Uprava za inspekcijske poslove KS - Inspektorat za poljoprivrednu inspekciju.**

U skladu sa navedenim Služba za privredu, finansije i investicije će upoznati lokalna Lovačka udruženja i Kantonalnu upravu za inspekcijske poslove, da poduzmu mjere i aktivnosti u cilju sprečavanja, odnosno smanjenja šteta na usjevima od divljači i stoke na području općine Ilijaš.

Inicijativa:

1. Pokrećem inicijativu da JKP "Vodostan" Ilijaš instalira hlorinator na izvorištu "Vrela" u što kraćem periodu. Oko detalja neka se dogovore sa nadležnim iz Općine Ilijaš, jer lica iz Mjesne zajednice Gajevi nisu osposobljena za ugradnju navedenog hlorinatora.

Odgovor:

Inicijativa proslijeđena JKP "Vodostan" doo Ilijaš. Odgovor u prilogu.

NIJAZ RASTODER – vijećnik LDS-a

Inicijativa:

1. Pokrećem inicijativu prema općinskom načelniku i nadležnim službama da se uredi tržnica u Ilijašu na način da se obezbijede sanitarni čvorovi itd.

Odgovor:

Kroz prijedlog Budžeta za 2016. godinu na poziciji – nabavka zgrada planirana je izgradnja objekta - gradska pijaca Ilijaš na principu sufinansiranja sa nevladinim organizacijama. Izgradnjom objekta pijace riješit će se i neophodni sanitarni čvorovi kao i drugi sadržaji za funkcionisanje pijace.

Služba za privredu, finansije i investicije



Jkp Vodostan d.o.o. Ilijaš

126 Brigade 60, 71380 Ilijaš, Tel/Fax : 400-740, Tel : 400-024

email:jkp.vodostan@gmail.com; Br.Rješ.:065-0-Reg-14-003778

ID:4200171710000 ; PDV ID:200171710000

Broj:1444 /15

Ilijaš, 15.12.2015 godine

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
OPĆINA ILIJAŠ
OPĆINSKI NAČELNIK
Služba za privredu, finansije i investicije

Predmet: Vijećnička inicijativa sa 35. sjednice Općinskog vijeća Ilijaš od 24.11.2015 godine

Vijećnička inicijativa vijećnika Besima Gljiva – Stranka za Srednje

1. Pokrećem inicijativu da JKP "Vodostan" d.o.o Ilijaš instalira hlorinator na izvorištu "Vrela" u što kraćem periodu. Oko detalja neka se dogovore sa nadležnim iz Općine Ilijaš, jer lica iz Mjesne zajednice Gajevo nisu osposobljena za ugradnju navedenog hlorinatora.

Preduzeće JKP "Vodostan" d.o.o Ilijaš će pružiti stručnu pomoć oko ugradnje hlorinatora na izvorištu "Vrela", kao što je to uvijek i bila praksa, s ciljem urednog i kvalitetnog vodosnabdijevanja svih građana na Općini Ilijaš.

Ovim putem pozivam predstavnike MZ Gajevo koji upravljaju sistemom vodosnabdijevanja da se obrate u Upravu Vodostana, radi dogovora oko svih tehničkih pitanja u vezi sa instalacijom hlorinatora.

S poštovanjem

Dostavljeno:

1 x Naslovu

1 x a/a



DIREKTOR

Bela Zukić, dipl.pravnik